

# Zwei Köpp, eine Jedanke

Musik & Text Björn Heuser und Martin Buß / Verlag: HEUSERMUSIK, GMO Publishing

---

{title:Zwei Köpp, eine Jedanke}

{subtitle: Musik & Text: Martin Buß & Björn Heuser / Verlag: HEUSERMUSIK, GMO Publishing}

E paar [D]Wööder om Rand vun nem [A]Zeidungspapier,  
[Bm]su fängk et ofmols [G]ahn.  
Eetz [D]kütt dir en Idee, dann es d'r [A]Kopp manchmol leer,  
doch do es [Bm]immer einer, dä mer froge [G]kann.

[Em]„Hey Jung wie es et? Häs do hück [A]Ovend ald jet [D]vür?  
wenn [Em]nit, pack ich ming Jitarr, un [A]kumm einfaach zo dir.“

{soc}

Un mer [G]schrieve uns Leeder,  
weil mer [A]jet zo sage han.  
Kennt [D]die och nit jeder,  
mer j[Bm]läuve fess dodran.  
mer [G]spreng domet Jrenze un [A]Schanke  
zwei [G]Köpp, [A]eine Ge[D]danke. [Bm]  
Zwei [G]Köpp, [A]eine Ge[D]danke.

{eoc}

Us d'r Idee do weed en Stroph, us nem Ton en Melodie,  
us Realität Phantasie.  
Wenn Wööder laufe liere, dann kanns do en spüre,  
dä Zauber, die Magie.

Bröder em Jeiste, jedes Leed es ne Jewinn.  
Ne Zeddel un ne Steff, su einfach kann et sinn.

{soc}

Un mer schrieve uns Leeder, ...

{eoc}

Disku[C]tiere, om Idee ringe,  
[G]Welte baue, Wohrheit erfinge -  
[Bm]Jesetze jitt et [A]kein.  
[C]Zwei Legionäre,  
Doch [G]Jitarre, kein Jewehre.  
[Bm]Mer schreie nit, doch mer [A]han en Stemm.

{soc}

Un mer schrieve uns Leeder, ...

{eoc}